



ÅRSMELDING 2013



La oss gjenvinne meir



HJELP OSS Å GJERE LANDET VÅRT MINDRE GIFTIG.

Miljøgifter finst i meir enn du trur. Hugs å sortere riktig.

Miljøselskapet ÅRIM

ÅRIM (Ålesundregionen interkommunale miljøselskap) har ansvar for innsamling og gjenvinning av avfall og slam. ÅRIM er eit kompetansesenter som legg vekt på miljøvennleg og effektiv drift. Vi arbeider for å gjøre det enkelt å levere avfallet til riktig behandling og gjenvinning, gjennom betre informasjon og framtidsretta løysingar. Selskapet er eigd av tolv kommunar; Giske, Haram, Norddal, Sandøy, Skodje, Stordal, Stranda, Sula, Sykkylven, Vestnes, Ørskog og Ålesund, med tilsaman 100 000 innbyggjarar.

Innhald

Fem år - og klare for meir	4
Miljøstasjonane i Ålesundregionen	6
PCB – eineståande stoff med farlege eigenskapar	7
Ulike typer miljøstasjonar	8
Betre renovasjonsteknisk planlegging handlar om deg der du bur	10
Miljøfarleg avfall ut av søpla	12
Korleis du brukar skismurninga er opp til deg...	13
Hytteliv er herlig	14
Auka tankeverksemd	15
Papirfabrikk i barnehagen	16
Papirfabrikk i barnehagen	16
I kontakt med kundane	17
Ei felles renovasjonsforskrift	18
Affallskonferansen – bransjen sin viktigaste møteplass	19
Dette kostar renovasjonen for 2014	20

Årsmelding	22
Resultatrekneskap	25
Balanse	26
Notar	27
Revisjonsmeldinga	34
Administrasjonen sin rapport	36
Miljørappart	38

Redaksjon:	ÅRIM
Layout:	Spirdesign
Illustrasjon:	Ingvild Mork
Foto:	Vasco Pinhol, Peder Otto Dybvik, Irene Lovund, Istockphoto, Loop


Fem år - og klare for meir

Da miljøselskapet ÅRIM vart etablert, var det for at kommunane skulle få betre løysingar innan miljø, kompetanse, økonomi og informasjon gjennom å samarbeide. Mykje har skjedd sidan då, men meir skal på plass.

Betre løysingar saman enn kvar for seg

Renovasjonstenesta ser enkel ut for ein innbyggjar. Renovatøren kører runda si, tømmer dunkane og leverer avfallet til gjenvinning. Men mykje skal fungere for å utføre tenesta godt og lovleg.

La oss følgje oppgåvene til ÅRIM litt på vegen. ÅRIM kører alt restavfall til energigjenvinning hos Tafjord Kraftvarme. Papir og plast blir levert til Norsk Gjenvinning der det blir sortert og sendt vidare til materialgjenvinning.



Dagleg leiar, Øystein Solevåg

Papiret reiser til Nederland og Sverige for å bli nye pizzaesker, plasten til ulike anlegg i Sverige og Tyskland for å få nytt liv der. Glas- og metallumballasje blir sendt til anlegget til Syklus i Fredrikstad. ÅRIM har også ansvar for

slam, som blir henta, avvatna og sendt til kompostering av Miljøservice. ÅRIM har ei rekke avtalar som skal følgjast opp etter reglar om offentlege anskaffelsar. At renovasjon og slam blir drive til sjølvkost stiller sjølv sagt krav til god økonomistyring innan alle område – den minste oppgåve har sin prislapp.

ÅRIM har også tatt over kundekontakten, det vil seie at alle spørsmål om renovasjon og slam, alle kundedata, fakturagrunnlag og dagleg kundedialog blir handtert av kundekonsulentar som arbeider fullt og heilt med desse fagområda. Selskapet har etablert ein fasit på kva som er riktige svar når kundane ringer.

Dette er døme på oppgåver kommunane utførte parallelt, på tolv ulike måtar tidlegare. – At kommunane valte å samarbeide over kommunegrensene betyr at oppgåvene no blir utført likt for kundane og meir rasjonelt for kommunane. Vi ser også at krava til datakvalitet blir større når eit interkommunalt selskap utfører oppgåver på vegner av kommunen. Dette vinn alle på. Men der er framleis oppgåver mellom ÅRIM og kommunane som kan og bør effektivisera.

Avfall er ressursar på avvegar.

Eit viktig mål med å opprette ÅRIM har vore å sikre at fleire ressursar i avfallet kjem til nytte som råvarer i industrien eller til energiproduksjon. For å få til dette, må ÅRIM gjere kundane meir bevisste på korleis dei sorterer og leverer avfallet. Motivasjonen for mange kjem når dei oppfattar kvifor dei skal kjeldesortere; «Glas blir til byggemateriale. Plast blir til fleecejakker. Farleg avfall i naturen skadar dyr, menneske og miljø». Bodskapa er mange og det tek tid å nå inn. Difor er det viktig at vi på same tid lagar system som gjer det enkelt for kunden å handtere avfallet riktig. Eit døme

er den mobile miljøstasjonen som i år kører rundt i kommunane, der folk kan levere miljøfarleg avfall. Ei gjentakande tilbakemelding er «Dette var eit godt tiltak. Når kjem de tilbake?». Men sjølv om dette er eit godt enkelttiltak, har vi ein lengre veg å gå.

På rett veg

Kundeundersøkinga i 2013 har vist at selskapet er på rett veg. Innbyggjarane i alle kommunane svarte at dei var meir nøgde med renovasjonstenestene enn ved den tilsvarende undersøkinga før ÅRIM var i drift, i 2009. Dette viser at samarbeid om renovasjon var eit godt grep.

Eit miljøstasjonstilbod med ti avdelingar

Innbyggjarane i Ålesundregionen leverer avfall til ti bemanna miljøstasjonar som den enkelte kommune no driv for sine innbyggjarar. ÅRIM førebur overtaking av ansvaret for miljøstasjonane, med sikte å på ta over frå 2015. Å sjå alle miljøstasjonane under eitt, gir nye muligheter for utvikling og deling av kompetanse, å få meir ressursar ut av avfallet, gode innkjøpsavtalar, at tilsette skal kunne utføre oppgåver for fleire stasjonar, og ikkje minst - at kundane kan levere til den miljøstasjonen som passar best for dei.

Om representantskapet vedtek overtaking av miljøstasjonane, vil ÅRIM ha eit totalansvar for innsamling og gjenvinning av avfall og slam i Ålesundregionen, i tråd med målet med opprettinga av selskapet.

Miljøstasjonstilbodet i framtida

Representantskapet i ÅRIM vedtok strategi for bemanna miljøstasjonar på årsmøtet i 2013.

Her vart måla for miljøstasjonstilbodet vedteke. Representantskapet vil godkjenne eventuell overtaking av miljøstasjonane hausten 2014, etter at styret i ÅRIM har lagt fram konsekvensar for økonomi og leigeavtalar med kommunar og tilsette.

Mål for miljøstasjonane

- 1) Kundane skal oppleve tilboden på miljøstasjonen som betre.
- 2) Kundane skal oppleve miljøstasjonstilboden som eit felles tilbod til alle innbyggjarane i ÅRIM.
- 3) Gjennom betre samordning av løysingar og avfallsstrømmar, skal det takast ut ein effektiviseringsgevinst.
- 4) Miljøstasjonstilbodet skal vere robust nok til å handtere noverande og framtidige krav frå styremaktene.
- 5) ÅRIM skal identifisere kundane sine behov, få oversikt over kva kundar som leverer kor mykje avfall og vidareutvikle miljøstasjonstilboden slik at det samsvarer med kundebehov og avfallsmengder.

Eitt heilheitleg tilbod

Bur du i ein ÅRIM-kommune, kan du levere avfall i alle ÅRIM-kommunane. Dette er eit av måla selskapet arbeider for å få til. Eitt miljøstasjonstilbod vil gi kundane fleire tidspunkt å levere avfall på og dermed større fleksibilitet. Dette vil også gi nye muligheter for bruk av kompetansen på stasjonane, dei tilsette kan utføre arbeid på meir enn ein miljøstasjon.

Pia Birgitte Tomren er arbeidsleiar på Sjøholtstrand miljøstasjon i Ørskog kommune. Bak frå venstre: Frank Glomset og Batur Tomak.

Miljøstasjonane i Ålesundregionen

I dag har ÅRIM-kommunane ti bemanna miljøstasjonar. Stasjonane er svært ulike både i storleik, omfang og tenestetilbod. Vi kan grovt fordele dei inn i tre storleikar basert på potensielle kundar frå hushald, næring og hytter.

LITEN

Miljøstasjonane til Stordal, Sandøy, Norddal og Ørskog er dei minste. Stasjonane har mellom 1 200 og 2 500 potensielle brukarar.

MEDIUM

Ein medium miljøstasjon har like mange brukarar som alle dei små tilsaman, i gjennomsnitt i overkant av sju tusen brukarar. Den minste har fem og den største ni tusen. Stranda, Vestnes, Giske, Sykkylven og Haram kommunar har miljøstasjonar i denne storleiken.

STOR

Bingsa i Ålesund kommune er den einaste store miljøstasjonen. Stasjonen, som blir brukt av Ålesund, Sula og Skodje kommunar, har i underkant av seksti tusen brukarar og er like stor som alle dei andre stasjonane, samla.



Godt fornøgde kundar

Brukarsundersøkinga ÅRIM gjorde i 2013 viser at kundane er godt fornøgde med miljøstasjonane i dag. På ein skala frå ein til fem på kor tilfredse dei er, får miljøstasjonane ein score på 4,3. Personalet på stasjonane får særleg god tilbakemelding. Kundane som er misnøgde gir tilbakemelding om at dei er minst fornøgd med opningstider, skilting og generell informasjon.

Vi ser òg at dei som betaler for bruken over renovasjonsgebyret, altså Skodje, Sula, Sykkylven og Haram, er noko meir fornøgde enn kundane i dei andre kommunane, som betaler ved levering på stasjonen.

Ein styrke å samle fagmiljøa

Myndighetene sine krav til lovleg avfallshandtering blir stadig strengare. Ei rekke produkt viser seg etter å ha vore i bruk ei periode, å vere miljøskadelege og trenge særskild behandling. Vindauge med klorparafinar og PCB er døme på dette. Parallelt med at miljøstasjonane handterer meir farleg avfall aukar også utfordringane innan HMS på arbeidsplassen.

Fagmiljøet må ha sikre og gode rutiner for å unngå ulukker, arbeidsskadar og feil handtering av avfallet. Dei må til ei kvar tid ha kompetanse på kva som krevst av analyser, deklarasjonar og kva som er klassifisert som farleg avfall. For små miljøstasjonar er det krevjande å innfri framtidige krav til farleg avfall aleine. Å samordne fagmiljøa vil styrke HMS og kompetanse på miljøstasjonane.



PCB – eit eineståande stoff med farlege eigenskapar

PCB er eit industrikjemikalie som vart utvikla seint på 20-talet. PCB gir god isolasjonsevne, lang haldbarheit, lav brennbarheit og god kjøleevne. Det er produsert om lag 2 millionar tonn PCB i det forrige århundre. Mykje av stoffet har i ettertid blitt forsvarleg handtert, men store delar har utgjort ei varig forureiningskjelde. PCB har skumle langtidseffekter på menneske. Døme på dette er auka kreftrisiko, nedsett immunforsvar, reproduksjonsforstyrningar, nevrologiske forstyrningar og hudpåverkanad.


Dyr og menneske vil bli eksponert for PCB i generasjonar framover. Det er difor viktig at mest mogleg av dette, som ved mange andre avfallstypar, kjem ut av krinsløpet så raskt som mogleg.



Mykje tyder på at foster og barn som blir amma får i seg høgare konsentrasjonar PCB enn vaksne.

Kjelde: PCB.no

Ålesundregionen



STOR



MEDIUM



LITEN



Betre renovasjonsteknisk planlegging handlar om deg der du bur

På smale grusvegar, i bratte svingar og på strekningar med mjuke trafikantar
- ÅRIM tømmer tusen dunkar i timen og har sytten renovasjonsbilar i trafikken kvar dag.
Vår største uro er å bli innblanda i hendingar der menneske kjem til skade.

Difor er ÅRIM ein pådrivar for betre renovasjonsteknisk planlegging.

Tryggare i trafikken

Betre renovasjonsteknisk planlegging handlar om to ting; trygge trafikkforhold og meir effektiv innsamling av avfall. Vegforholda i regionen er varierande både når det gjeld vegdekke, vegbreidde, snuforhold, helling og sikt. Å få tryggare vegar vil ta tid, difor er det særleg viktig at nye vegar er eigna for tunge køyretøy. For å unngå skader på person, bil eller omgivelsar må vegane vere bygd for store køyretøy som snur trygt og ryggar minst mogleg. Det bør heller ikkje vere for bratt tereng. Renovasjonsbilen skal, på samme måte som andre nyttekøyretøy,

fram heile året, ofte på vegar bilen deler med skuleborn.

Meir berekraftige renovasjonsløysingar
ÅRIM gjennomfører fleire tiltak som effektiviserer renovasjonen. Å etablere felles avfallsløysingar for fleire husstandar er døme på dette. Byggjefelt med eit eller få hentepunkt gir ÅRIM færre stopp før renovasjonsbilen snur ut igjen. Om vi får eit større omfang av slike løysingar, forventar vi å kunne redusere kostnadane ved renovasjonen. Færre stopp betyr dessutan mindre bruk av drivstoff, betre flyt i trafikken

og mindre fysisk arbeid for renovatøren. Dette er gode miljøtiltak.

Geografien vår byr på ulike utfordringar med tettbygde strøk, smale gater, knappe svingar og bratte bakkar. Mykje kan vi ikkje gjere noko med. At ÅRIM uttaler seg om renovasjonsteknisk planlegging når nye byggffelt blir prosjektert, kan redusere farlege trafikksituasjonar, rygging og krevjande køyreforhold. God tilretteleggjring for renovasjon gir tryggleik for menneska som bur der bilen kører kvar veke.

Med underjordisk avfallssystem forsvinn mange av problema avfall kan forårsake. Bort med overfylling. Bort med lukt. Bort med brannfare. Dei nye avfallssistema har mange fordelar, fortel avdelingsleiar i ÅRIM, Lars Fugledal.



Miljøfarleg avfall ut av søpla

Dei siste ti åra har mengde miljøfarleg avfall i Noreg blitt dobla til 1,2 millionar tonn. I tillegg er der 60 000 tonn miljøfarleg avfall som ikkje blir levert inn og som er på avveg. Her er ÅRIM si oppgåve todelt; å sørge for forsvarleg handtering av avfallet og informere folk om korleis det miljøfarlege avfallet skal leverast inn.



La oss følgje ei sparepære som blir riktig levert.

Du leverer sparepæra til miljøstasjonen og ser at personen på kundemottaket sorterer sparepæra i ein av mange behaldarar med ulike typar farleg avfall. Sparepærer inneheld kvikksølv, ei av dei farlegaste miljøgiftene vi kjerner. Kundemottakaren merkar, registrerer og deklarer avfallet, før dei sender det vidare. Stasjonen har dermed kontroll med kor mykje dei har inne av akkurat denne avfallstypen, og kor mykje dei sender til behandling.

Sparepæra di blir seinare henta av returselskap som har ansvar for innsamling og gjenvinning av elektrisk og elektronisk avfall. Selskapa har utvikla eigne teknikkar som forhindrar at tungmetallet fordampar. Kobolt

småelektronikk. ÅRIM er i år med på ein nasjonal kampanje som skal auke og spreie kunnskap om kva som er miljøfarleg avfall, og kvar du sorterer det riktig. Kundane i regionen kjem til å få informasjon om farleg avfall og oppleve at det skjer noko nytt innan innsamling.

ÅRIM rullar ut mobil miljøstasjon

No kjem ÅRIM med miljøstasjonen dit folk bur. Den mobile stasjonen starta i Ålesund i februar, skal ha fleire stopp gjennom kommunane og avsluttar i Sandøy i september. I hovudsak leverer folk måling, kjemikalier og småelektrisk, men her kjem alt fra kunstgjødsel og julelys til spillolje og fjernstyrte bilar. Kundane gir tilbakemelding om at dei får eit ekstra spark til å levere inn det farlege avfallet når dei har eit fast klokkeslett ein gitt dag, nær der dei bur.

og sjeldne jordartsmetall blir tatt ut, kvikksølvet blir forsvarleg deponert, plasten blir energigjenvunne, og glas og metall blir til nye material. På denne måten får vi gjenbrukt ressursane i avfallet og minimerer utsleppa av miljøfarlege stoff.

Farleg avfall-kampanje i 2014

Sjølv om 71 prosent av alle nordmenn veit at lyspærer inneheld miljøgifter, kastar ein av fire personar lyspærer i restavfallet. Likeins er det med batteri, elektriske leiker og anna



Farleg avfall er det avfallet som ikkje skal handterast saman med anna avfall fordi det kan føre til alvorleg forureining eller fare for skade på menneske eller dyr. Døme på farleg avfall er måling, lim, lakk, kjemikalier, impregnert trevirke, vindauge, cellegummi, golv- og takbelegg, asbest og anna byggavfall.

Korleis du brukar skismurninga er opp til deg...

Korleis du kastar ho angår oss alle

Desse spreke jentene frå Sula kan å lage liv og røre. Fotballaget promoterte ÅRIM si innsamling av farleg avfall med ein god dose humor, søte appelsiner, varm kakao og glad dansemusikk.

Fotballaget delte ut skismurning med beskjeden "Korleis du bruker skismurninga er opp til deg. Korleis du kastar ho angår oss alle". Det mange

ikkje veit, er at fleire typar skismurning er miljøfarleg avfall - på samme måte som hårspray, batteri, blinkesko og mykje anna.

Jentene var med på å skape blest rundt tiltaket. Tilbakemeldingane frå kundane var positive og den mobile miljøstasjonen vart godt besøkt både i Sula og andre kommunar.



Elektrisk og elektronisk avfall (EE-avfall) er alle produkt som brukar eller leiar straum – enten det er frå straumnettet eller batteri. Sparepærer og batteri havnar altfor ofte i restavfallet. ÅRIM sendte difor ut batteribokser til alle husstandar i desember 2013. Folk kan få nye boksar ved å ta kontakt med ÅRIM eller miljøstasjonen.



Hytteliv er herlig

Stadig fleire hytter blir bygd i Ålesundregionen.

Med hytteliv følgjer behovet for gode renovasjonsløysingar.



Bortimot halvparten av ÅRIM-kommunane har i dag innført hytterenovasjon. Det vil seie at dei som har hytte, har ei tilgjengeleg renovasjonsløysing mot renovasjonsgebyr.

ÅRIM har oppgradert hyttepunkta i regionen med konteinrarar for restavfall og papir. Lukene for restavfall er små for å unngå at folk kastar møbler, rinvingsavfall og andre store gjenstandar. Konteinrarane er blitt profilert med informasjon om kva som skal, og ikkje skal inn i konteinrarane. Ein del av hyttepunkta har òg fått eigne glas og metall-konteinrarar. Planen er at dei store hyttepunkta skal få tilbod om dette, slik at vi får gjenvunne meir glas og metall.

Kjeldesortering på hytta

Ved å leggje til rette for kjeldesortering på hytta, får hyttefolket fortsetje med dei gode kjeldesorteringsvanane

når dei har fri. Vi har ikkje ordning for plastinnsamling, men i 2014 vil hytteabonnentane få tilbod om å levere farleg avfall når ÅRIM reiser rundt med sin mobile miljøstasjon. Selskapet vil også arbeide for at miljøstasjonane skal bli meir tilgjengelege for hyttefolk.

Hytterenovasjon har sine utfordringar
Behovet for renovasjon følgjer høgtider, fridagar og finevèr. Avfallsmengdene er difor ikkje alltid like forutsigbare. Når mange reiser frå hyttene på samme dag, kan konteinrarane bli fulle på kort tid – sjølv om dei nettopp er blitt tømt. Dei fleste bruker konteinrarane som dei skal, men nokre forsølar ved å plassere avfallet på bakken. Vi veit og at konteinrarane blir brukt av andre enn hyttefolk. ÅRIM arbeider for å møte desse utfordringane på best mogleg måte.



Kommunar med hytterenovasjon ved årsskiftet:

NORDDAL

SANDØY


STORDAL

STRANDA

SYKKYLVEN

AUKA TANKEVERKSEMD

Etter dei nye, felles reglane i Ålesundregionen skal enkelte slamtankar tømmast oftare enn før. Målet er betre kontroll og å hindre forureining i sensitive område. For å oppnå dette, må vi òg gjennom eit langsiktig ryddearbeid i alle kundedata.



Kvalitetssikring av kundedata

Alle husstandar med slamanlegg i Ålesundregionen vart kundar av ÅRIM i 2013. Vi er ærlege når vi seier det vil ta tid å få full oversikt over kven kundane våre er og kva anlegg dei har. Kvalitetssikra kundedata stiller krav både til kommunane som gir utsleppsløyve og ÅRIM som har ansvar for tømming, kontroll og kundekontakt. Manglande informasjon kan gi feil på faktura, vere grunn til at kunden ikkje får varsel om tømming, føre til feiltømming eller at vi ikkje veit om tankar som skal tømmast.

Forhindre forureining av vatn og nærområde

Dei fleste kommunane har ikkje hatt kapasitet til å vidareformidle

alle feilmeldingar slamtømmaren rapporterte inn til kundane. Dette vil seie at mange feil ikkje har blitt utbetra, slamanlegga kan forureine eller kundar kan vere i fare for å få kjellaren full av kloakk. Her arbeider kommunane og ÅRIM no med å styrke rutinane. Slamtømmerar rapporterer no til ÅRIM, som vidare skal informere kunden om feil som skal utbetrast. Vi forventar at dei fleste ønskjer å unngå problem med anlegget sitt, og reparerer feilen. Gjer dei ikkje det, har kommunane muligkeit til å følgje opp.

Når ÅRIM får ein fireårsperiode med kontroll og tømming bak seg, veit vi mykje meir. Då vil kommunane og ÅRIM ha betre oversikt både over kundedata og slamanlegga i regionen.

Slamtømmer registrerer tømminga i datasystemet til ÅRIM.



MÅLING REINGJERINGSMIDDEL LAKK OG LIM BILPRODUKT

Alle typar måling og løsemiddel er farleg avfall.



Måling og løsemiddel er farleg avfall.
Dei inneheld stoff som kan vere skadelege for menneske, dyr og natur.

Nordmenn er i verdstoppen i oppussing.
23.000.000
liter måling vart selt i Noreg i 2012.

Må IKKJE bli kasta i restavfall, toalett eller returpunkt for glass- og metallballasje.

Måling og løsemiddel skal leverast på gjenvinningsstasjonen eller miljøstasjon for farleg avfall.

Papirfabrikk i barnehagen

Grønmyr barnehage Bjørkavåg på Sula lånte papirfabrikken frå ÅRIM, bretta opp ermene og gjekk til arbeid. Ein ting er sikkert; borna kan å gjenvinne papir.

Barna lagar papir

Ivrige små hender badar i lilla, blaut papirmasse. Heidi Steinnes frå ÅRIM forklarer når borna lagar papir etter tur. - Dei løftar opp treramma, silar av vatnet og legg papiret forsiktig til tørk. Førskuleborna er med og fortel ivrig om papiret dei har klift i små bitar før dei miksa det saman med cellulose, vatn og "tryllepulver". Det er dette som er resirkulering, fortel Steinnes. Dei brukar gammalt papir og lagar nytt. Slik gjer vi med plast, glas og metall òg.



Så er det Mr. Boss sin tur!

Vegard Waagan frå ÅRIM har rolla som miljøsuperhelt denne dagen. Han brettar opp ermene og det blir heilt stilt rundt han. Barna følgjer han konsentrerte med blikket da han gjer akkurat som dei. - Resirkulering er moro, smiler han idet han løftar treramma med det som skal bli nytt lilla papir opp av vatnet .



ÅRIM besøker skular og barnehagar

- Born er engasjerte og lærer fort, seier Heidi Steinnes i ÅRIM fornøgd. Vi har ulike tips til aktivitetar som skal lære borna om kjeldesortering og gjenvinning. Gruppene er ulike både i storleik, alder og kva dei etterspør, difor tilpassar vi opplegga kvar gong. Vi har tru på læring gjennom praksis, leik og moro. Borna har vore svært positive og engasjerte når vi har vore på besøk. Papirfabrikken har slått godt an.

I kontakt med kundane

Med mange informasjonsbehov og ulike målgrupper, arbeider ÅRIM for å nå fram i fleire kanalar. Her er nokre av kommunikasjonstiltaka til selskapet.



Kundesenter på Moa

Kundesenteret svarer kundar som besøker selskapet på Moa, eller tek kontakt via telefon og e-post. ÅRIM har som mål å gi ei positiv kundeoppleveling og gode svar om renovasjon, slam og kjeldesortering.

Internett

Internettsida er den viktigaste informasjonskanalen vår. Her finn kundane blant anna renovasjonskalender, opningstider, informasjon om kjeldesortering, bestiller større papirdunk og kjem i kontakt med selskapet.

På Facebook legg vi ut informasjon om kva vi arbeider med, deler relevante saker og arbeider for å skape interesse og engasjement. Her inviterer selskapet til dialog, og å gi tilbakemeldingar.

Renovasjonskalender

Informasjon om når avfallet blir henta. ÅRIM sender ut kalender kvart år og annonserer om endringar før alle høgtider.

Batteriboks

Eit populært tiltak i 2013. Alle husstandar fekk tilsendt boks for oppsamling av batteri. Nye bokstar er å få hos ÅRIM og på miljøstasjonane.

Hauste

Miljøbladet Hauste går ut til alle innbyggjarar. I bladet oppfordrar ÅRIM til riktig avfallshandtering og formidlar kvifor dette er viktig. Det er òg ein kanal for å auke engasjement og kunnskap om miljø.

Informasjon om hytterenovasjon

Hytteeigarar er ei av målgruppene som har behov for tilpassa informasjon om korleis avfallet skal handterast på hytta.

Farleg avfall-brosjyrer

Målet er å få alt miljøfarleg avfall til trygg behandling. Då treng kundane informasjon om kva som er farleg avfall og korleis det skal leverast. Alle innbyggjarane har fått brosjyrer med informasjon.



Ei felles renovasjonsforskrift

Alle kommunestyra godkjente felles renovasjonsforskrift for ÅRIM i 2013. Dette var eit viktig skritt på vegen til likt tenestetilbod for innbyggjarane i Ålesundregionen.

Lik forskrift aukar kvaliteten på renovasjonstenesta

Renovatørane utfører arbeidet likt, uavhengig av kva kommune dei tømmer dunken i. Dette betyr færre avvik hos kundane. Ei renovasjonforskrift gjer at vi får rydda opp i saker som har hatt ulik praksis i eigarkommunane. Kundesenteret har òg fått utarbeidd enklare prosedyrer på korleis oppgåvene deira skal utførast utan kommunetilpassingar på kvar og ei oppgåve. Like svar på alt løftar kvaliteten på informasjonen ÅRIM gir kundane som ringer.

Fleire oppgåver til ÅRIM

Med den nye forskriften vart mynde og fleire oppgåver flytta frå kommunane til ÅRIM. Døme på dette er handtering av søknadar om kompost og fritak frå renovasjon. Dette arbeidet ligg no hos ÅRIM.

Mindre forureining med ny tømmefrekvens for slam

ÅRIM tømmer slamtankane og utfører tilsyn. Kommunane gir sjølve utsleppsløyve og har ansvaret for oppfølgjinga av desse. Ny forskrift har reglar om hyppigare

slamtømming enn før. Dette forhindrar unødig forureining og utslepp i naturen. Hyppigare tilsyn gjer òg at kundane raskare får beskjed om noko er galt med tanken, dei får då reparert feilen. På denne måten kan kommunen, ÅRIM og kunden i fellesskap forhindre uehdlig oversvømming eller forurening.

Meir rettferdig

Lik pris for likt tilbod er eit av måla selskapet arbeider etter. Felles forskrift gjer at ÅRIM i større grad får praktisert like reglar for tenestene ÅRIM utfører i kommunane.

Avfallskonferansen – bransjen sin viktigaste møteplass



850 personar i avfallsbransjen kom til Ålesund for å delta på eit fullspekka program med forelesarar frå inn- og utland. Hotella var fullbooka og arrangementet var vellykka både fagleg og sosialt.

Avfallskonferansen, som går over tre dagar, er eit årleg arrangement Her får folk i bransjen fagleg oppdatering og dele erfaringar med kolleger frå andre stader i landet.

Avfallskonferansen blir arrangert av Avfall Norge. Arrangementet flytta til ein ny by kvart år. I 2013 var Avfallsforum Møre og Romsdal lokal arrangør. ÅRIM, som er medlem i begge organisasjonane deltok både i forarbeid og under konferansen.



Bilete frå toppen:

Frå venstre: Eva Ødegaard i ÅRIM, Sølvi Muriaas i Ålesund kommune, Heidi Steinnes i ÅRIM og Reidunn Vadstein i Ålesund kommune registrerte konferansedeltakarane som kom.



Bilete i midten: Øystein Solevåg frå ÅRIM ved siden av Bjørn-Inge Molvær frå Reknes på festmiddagen på Rica Parken.




Henrik Lystad frå Avfall Norge og stortingsrepresentant Nikolai Astrup i samtale med konferansedeltakarar.

Nedst:
Konferansen vart arrangert på Color Line Stadion og Sparebanken Møre Arena.



Dette kostar renovasjonen for 2014



Renovasjonstenesta frå ÅRIM kostar kr 1 225 utan forbrenning og 1 645 med forbrenning i 2014. Oppå dette har kommunane sine kostnader. Prisvariasjonane deira blir blant anna påverka av fond, miljøstasjonstilbod og administrasjon. Åtte av kommunane har også utgifter til forbrenning av restavfall. *Kundar i Sula betaler i tillegg kr 160,- for å få dunken henta ved husvegg.

ÅRIM sin del av renovasjonsgebyret

På samme tid som ÅRIM har tatt over fleire oppgåver, har prisen¹⁾ på det samla tenestetilbodet selskapet leverer gått ned.



2012 – kr 1 498,-

¹⁾ Pris gjeld standardabonnement utan forbrenning frå ÅRIM.
Forbrenningskostnader per abonnement er berekna til kr 420,- i 2014.

2013 – kr 1 227,-²⁾

²⁾ Pris frå ÅRIM for 2013 var opprinnelig sett til kr 1 341*.
Representantskapet vedtok seinare å redusere denne til kr 1 227,-

Kommunane sitt samla renovasjonsgebyr til abonnenten.



STANDARDABONNEMENT

Dette er det mest vanlege abonnementet i regionen.

Gebrya vi samanliknar gjeld pris for:

Plast-
emballasjesekk,
henting kvar
4. veke

140 l/240 l
papiravfallsdunk,
henting kvar
4. veke

140 l
restavfallsdunk,
henting kvar
veke



ÅRSMELDING

SELSKAPET SITT FØREMÅL

Ålesundregionen Interkommunale Miljøselskap IKS (ÅRIM) er eigd av kommunane Giske, Haram, Skodje, Sula, Ørskog, Ålesund, Vestnes, Sandøy, Stordal, Norddal, Stranda og Sykkylven. Eigarane heftar for disposisjonane til selskapet i forhold til innbyggjartalet i kvar kommune. Selskapet sin administrasjon ligg på Moa i Ålesund kommune.

ÅRIM utfører dei lovpålagde oppgåvane medlemskommunane har innan innsamling, gjenvinning og behandling av avfall og slam i samsvar med sentrale og lokale miljømål. Selskapet gir tilbod om innsamling, gjenvinning og behandling av næringsavfall der selskapet finn dette miljømessig ønskeleg og økonomisk forsvarleg. Selskapet legg vekt på miljøvennlig drift i alle ledd i avfallsbehandlinga. Selskapet tek sjølv avgjerd om i kva grad drifta skal skje ved bruk av eigne anlegg, utstyr og mannskap, eller ved avtalar med medlemskommunane, andre selskap eller private næringsdrivande. ÅRIM er eit rådgjevande organ og kompetansesenter for medlemskommunane, og driv eit aktivt informasjonsarbeid for å auke innbyggjarane sin kunnskap om avfallsreduksjon og miljøvennlig avfallsbehandling.

ÅRETS AKTIVITET

Selskapet har ansvar for innsamling av restavfall, papir og plastemballasje frå alle hushaldskundar i regionen. 30. januar 2013 signerte ÅRIM avtale med ny renovatør; RenoNorden AS. Samstundes vart avtalen med Norsk Gjenvinning Renovasjon AS sagt opp. Den nye leverandøren tok over innsamlinga av avfall frå 1. september. Renovatørane som var tilsett hos Norsk Gjenvinning Renovasjon AS fekk tilbod om å gå over til nytt selskap. Ny, felles renovasjonsforskrift vart vedteken i alle kommunestyra i andre halvår 2013. Med dette fekk ÅRIM like reglar for renovasjon og slam i regionen og ansvaret for fleire oppgåver.

1. januar 2013 starta Miljøservice AS opp arbeidet med å tømme slamtankane for ÅRIM sine kundar. Selskapet har hatt tilsvarende oppdrag for dei fleste kommunane tidlegare.

ÅRIM har oppgradert hyttepunktene i kommunane som har hytterenovasjon; Norddal, Sandøy, Stordal, Sykkylven og Stranda. Konteinarane har blitt profilerte med informasjon om sortering, nokre av punkta har også fått glas- og metallkonteinar. Avtalar for tilsyn, opprydding og snørydding er òg komne på plass.

I tillegg til Norddal, blei det i fjerde kvartal 2013 klart at kundeforholdet til næringskundane i Haram, Sandøy, Skodje, Stordal, Sula og Vestnes skulle overførast til ÅRIM frå 1. januar 2014. ÅRIM inngår kontraktar, fakturerer og følgjer opp kundeforholda.

Kundesenteret har opplevd god auke i talet på henvendingar frå kundar gjennom året, særleg etter at ny forskrift vart sett i verk. Dette reduserer arbeidsmengden hos kommunane, noko som er etter planen.

Selskapet har auka informasjonsaktivitetten retta mot born og unge, og møter på skular og barnehagar etter førespurnad.

ÅRIM gjennomførte kundetilfredsheitsundersøking blant 2 548 personar i første kvartal 2013 der selskapet spurte om grad av kjeldesortering, oppfatning av ÅRIM, tilfredsheit med dei bemannata miljøstasjonane og innstillinga til endring i tenestene. På ein skala frå 1-6 får selskapet ein score på 4,1 på spørsmålet om kor nøgde innbyggjarane er samla sett, med renovasjonstenesta selskapet utfører.

Selskapet har hatt ein prosess med organisasjonsutvikling, herunder utvikling av kva hovudmål, delmål og resultatløfta dei tilsette skal arbeide etter.

FRAMTIDIG AKTIVITET

ÅRIM sitt mål er å drive så kostnadseffektivt som mulig, samstundes som selskapet tek miljøomsyn. Det viktigaste for å få på plass dette er at oppgåver blir gjort ein gong på ein stad, gode støttesystem, likt tenestetilbod og fokus på hovudtenestene.

Fra 2015 er intensjonen at ÅRIM skal overta ansvaret også for dei bemannata miljøstasjonane. Selskapet har lagt ned omfattande arbeid i å få oversikt over kostnadene ved miljøstasjonstilboden slik det blir drive i dag, samtid i å utforme mål for og krav til det framtidige miljøstasjonstilboden.

RESULTAT OG UTVIKLING

Inntekter

Selskapet hadde totalt inntekter på 70 118 253 kroner i 2013 mot 81 056 717 kroner i 2012. Av inntektene kom 66 470 463 kroner frå tenester som blei levert til eigarkommunane i 2013. I tillegg var finanspostane positive med 968 150 kroner.

Kostnader

Driftskostnadane for året var 72 415 146 kroner, mot 65 033 752 kroner i 2012. Varekost (innsamling, gjenvinning, sluttbehandling og materiell) var på 54 366 355 kroner. Kostnadane til løn og honorar var 7 047 488 kroner, mot 4 860 708 kroner i 2012.

Resultat

Resultat er minus 1 959 550 kroner etter skatt, mot resultat 15 914 710 kroner i 2012. Budsjettet resultat var på minus 7 693 810 kroner. Resultatendringa i forhold til budsjett skuldast i hovudsak at selskapet hadde lågare kostnader til varekost, administrasjon og drift enn forventa.

Investeringar

Selskapet investerte for totalt 2 388 209 kroner i 2013. Det vart i hovudsak investert i innsamlingsutstyr. Det er tatt opp eit lån for å finansiere investeringane. Investeringane blei finansiert med likvidar inntil lån vart utbetalet i 2013.

Likviditet

Likviditeten i selskapet var god i 2013. I 2014 er det budsjettet med underskot. Likviditeten i 2014 er venta å vere tilfredstillende.

Næringsverksemد og skatt

ÅRIM skil mellom tenester som er sjølvkosttenester (tenester til handtering av hushaldavfall og slam) og tenester som ikkje er sjølvkosttenester. Det skal ikkje vere noko kryssubsidiering mellom tenestene. For ÅRIM er ikkje renovasjon til næringskundar ein del av sjølvkosttenestene. Resultatet for næringsverksemda er skattepliktig. Der inntekter og kostnadar ikkje kan førast direkte til ei av tenestene blir dei fordelt basert på nøklar. Nøklane er basert på dunkvolum tømd, talet på kundar og administrasjonen sin tidsbruk. Resultatet for næringsverksemda var i 2013 før skatt 2 252 773 kroner. Etter skatt var resultatet 1 621 966 kroner.

Analyse

Resultatet for selskapet er betre enn budsjett. Dette skuldast fleire forhold.

Inntektene er om lag 5 millionar kroner lågare enn budsjettet. Dette skuldast i hovudsak 2,4 millionar kroner mindre i slaminntekter og 3,5 millionar kroner mindre for hushaldrenovasjon. Det blei hausten 2013 vedteke ein prisreduksjon på totalt 4,0 millionar kroner for hushaldrenovasjon.

Varekosten var 8,2 millionar kroner under budsjettet. Dette skuldast mindre slamtømming enn budsjettet, totalt 3,5 millionar kroner. Kvaliteten på budsjettgrunnlaget (talet på slamlundar og når dei skulle tømst) var ikkje tilfredstillende. Det blei i budsjett estimert at halvparten av kundane skulle ha tømming i løpet av året. Ettersom nokre kommunar ikkje har tømming kvart år blei det avvik. Innsamlingskostnadene for renovasjon var 2,2 millionar kroner lågare enn budsjettet. Dette skuldast mellom anna lågare prisar. Forbrenning blei også 0,8 millionar kroner lågare enn budsjettet.

Personalkostnadene og driftskostnadene er lågere enn budsjettet. Når det gjeld driftskostnadene, er grunnen til innsparinga at selskapet ikkje er der det forventa å vere etter budsjettet og usikkerheit rundt oppgåvane som skulle gjerast og kva desse faktisk ville koste. ÅRIM har ikkje fått gjort alt selskapet hadde planlagt og ting tek lengre tid enn føresett. Ein del av innsparingane skuldast også at det har vore fokus i ÅRIM på å vere tilbakehaldne med å påføre selskapet kostnadane. Dei store anbodsprosessane og meirarbeidet som dette har ført med seg, har blitt gjennomført innanfor budsjettet. Desse vil også føre til reduserte kostnadar på dei tenestene som har vore ute på anbod.

Talet på kundar

Kundegrunnlaget for renovasjon er betre ved utgangen av 2013 enn i 2012. Det er i 2013 arbeida mykje med å kvalitetssikre datagrunnlaget for både slam og renovasjon. ÅRIM vil arbeide vidare med å auke kvaliteten på kundedata. I 2014 vil ein særleg fokusere på slam- og næringskundedata.

FINANSIELL RISIKO

Den finansielle risikoen som følge av renteendringar er låg. Eigenkapitalen og likviditeten i selskapet har blitt redusert i løpet av året, men ikkje så mykje som budsjettet. Eigenkapitalen og likviditeten i selskapet er tilfredstillende til å handtere dei oppgåvane selskapet utfører. Eigenkapitalen og likviditeten i selskapet er likevel ikkje stor nok til å kunne handtere negative sjølvkostfond. Sidan kostnadane til eigarkommunane vil vere baserte på sjølvkost, vil risikoen knytt til framtidige resultatet i ÅRIM vere liten. Grunna lang saksbehandlingstid hos Fylkesmannen og långjevarar i 2013 har investeringar blitt gjennomført ved bruk av fri likviditet til lånefinansiering var på plass.

MARKNADSRISIKO

ÅRIM sine kostnadar og inntekter er avhengig av råvareprisen på avfall. Dette gjeld restavfall, papir og plastemballasje sjølv om selskapet har langsiktige avtalar på desse avfallstypene. Prisen for papir blir fastsatt ein gong i året basert på EUWID-indeksen. For 2014 betyr dette ein nedgang på 18 % i salsprisen per tonn for papir i forhold til 2013. For dei avtalane selskapet har, er prisutviklinga knytt til utviklinga i konsumprisindeksen og transportkostnadsindeksen for toaksla renovasjonsbil frå Statistisk Sentralbyrå. Denne auka 3,8 % i 2013.

FORSKINGS- OG UTVIKLINGSAKTIVITETAR

Den nasjonale Avfallskonferansen i regi av AvfallNorge blei arrangert i Ålesund 4. – 6. juni 2013 med over 800 deltakarar. Det var Avfallsforum Møre og Romsdal som var lokal arrangør, ÅRIM tok del i fleire arbeidsgrupper.

YTRE MILJØ

Selskapet arbeider systematisk for å redusere miljøbelastinga på tre felt:

1. Ved å gi innbyggjarane i Ålesundregionen eit best mogleg tilbod, for dermed å auke mengdene avfall som går til gjenvinning.

2. Ved å stille strenge krav til leverandørane om å ta miljøomsyn ved gjennomføringar av aktivitetar for ÅRIM.

3. Ved å arbeide for å redusere miljøbelastninga av administrasjonen og drifta av selskapet sjølv.

I drifta av selskapet i 2013 er det innsamlingsarbeidet samt gjenvinning av restavfall som har hatt størst negativ miljøverknad.

ÅRSMELDING

RESULTATREKNESKAP

ARBEIDSMILJØ OG VERNEARBEID

Selskapet er knytt til ei verne- og helseteneste. Det er utarbeid ein handlingsplan for HMS-arbeid i ÅRIM med vekt på å førebygge sjukdom og auke trivsel. Selskapet flytta inn i nye kontorlokale i starten av 2013. Desse lokala er meir tilpassa talet på tilsette. Det er gjennomført ergonomitilpassing av arbeidsplassen til kvar tilsett. Lokala er også lett tilgjengeleg for abonnentane. Ved framlegginga av årsrekneskapet blir arbeidsmiljøet vurdert som tilfredsstillande. Det er ikkje registrert skadar eller ulykker, verken personskadar eller materielle skadar.

PERSONAL

Ved utgangen av 2013 var det ti tilsette i selskapet, fire menn og seks kvinner. Totalt hadde selskapet 9,8 årsverk i 2013, dette inkluderer innleidd vikaristand. Det vart tilsett tre nye medarbeidarar i 2013, ein driftsansvarlig, ein logistikkansvarlig og ein kundekonsulent. Sjukefraværet i 2013 var 33 arbeidsdagar, eit fråvær på 1,5 prosent.

LIKESTILLING

Styret har i 2013 hatt fire menn og tre kvinner. Selskapet sin personalpolitikk er kjønnsnøytral. Det er ikkje planlagt eller iverksett tiltak for å fremje likestilling og for å hindre forskjellsbehandling i strid med lov om likestilling.

REPRESENTANTSKAP OG STYRE

Representantskapet er selskapet sitt øvste organ. Totalt er det seksten medlemmar frå dei tolv eigarkommunane. Representantskapet

hadde 2 møte i 2013, i tillegg arrangerte styret eit eigarmøte for representantskapet og eigarkommunane. Styret har ansvaret for organiseringa av selskapet si verksemnd. Styret hadde 13 møte i 2013 og behandla totalt 87 saker. I tillegg hadde styret ei strategisamling i samband med eit av styremøta og ei synfaring til tilsvarande selskap i Bergen.

FORTSATT DRIFT

Etter styret si vurdering gir det framlagde resultatrekneskapet og balanse med notar eit rett bilet av verksemda sitt resultat for 2013, og den økonomiske stoda ved årsskiftet. Det har ikkje kome fram tilhøve eller hendingar etter avslutninga av rekneskapen som får innverknad på denne vurderinga. Styret stadfestar at føresetnadane for framleis drift av selskapet er til stades ved framlegging av årsrekneskapen.

ÅRSRESULTAT OG DISPONERING

Resultatet på minus 1 959 550 kroner fordelast på minus 3 609 808 kroner til utjamningsfond og 1 650 258 kroner på annan eigenkapital. Av det som overførast til utjamningsfond er minus 3 792 750 kroner knytt til renovasjon og 182 942 kroner knytt til slam. Totalt er utjamningsfondet for renovasjon 13 645 744 kroner og for slam 711 201 kroner ved utgangen av året. Utjamningsfond er over-/underskot for sjølvkosttenestene renovasjon og slam. Dette er abonnentane sine pengar og skal tilbakebeta last til abonnentane. Tilbakebetalinga skjer ved å justere prisen selskapet krev for dei ulike tenestene.

Styret vil takke dei tilsette for stor innsats i det året vi har lagt bak oss.

Ålesund 17. mars 2014



Reidar Andresen

Lars Kolbjørn Nogva
(styreleiar)

Linda Strand Kjerstad

Bente Bruun

Trond T. Lauritsen
(nestleiar)

Knut Flø

Vigdis Hove Øie

Øystein Peder Solevåg
(dagleg leiar)

Lars Kolbjørn Nogva
(styreleiar)

Linda Strand Kjerstad

Bente Bruun

Trond T. Lauritsen
(nestleiar)

Reidar Andresen

Knut Flø

Vigdis Hove Øie

Øystein Peder Solevåg
(dagleg leiar)

DRIFTSINNTEKTER OG DRIFTSKOSTNADER

Note	2013	2012
Driftsinntekter		
Driftsinntekter	70 118 253	81 056 717
Sum driftsinntekter	70 118 253	81 056 717
Driftskostnader		
Varekostnader	54 366 355	53 906 626
Lønningar, honorar, arbeidsgivaravgift	1,2 7 047 488	4 860 708
Avskrivinger	4 703 555	254 287
Andre kostnader	5 10 297 748	6 012 131
Sum driftskostnader	72 415 146	65 033 752
Driftsresultat	-2 296 893	16 022 965
FINANSINNTEKTER OG FINANSKOSTNADER		
Renteinntekter	1 050 550	720 252
Rentekostnader	82 400	12 407
Netto finansposter	968 150	707 845
Ordinært resultat før skattekostnad	-1 328 743	16 730 810
SKATTEKOSTNAD		
Betalbar skatt	3,8 630 807	816 100
ÅRSRESULTAT	-1 959 550	15 914 710
OVERFØRINGAR OG DISPONERINGAR		
Overført til annan eigenkapital	9 1 650 258	2 100 305
Overført til utjamningsfond	9 -3 609 808	13 814 405

BALANSE PR 31.12

NOTAR

EIGEDELAR	Note	2013	2014
Anleggsmidlar			
Driftsløsøre, inventar	4	3 757 861	2 073 207
Egenkapitaltilskudd KLP		3 074	0
Omløpsmidlar			
Fordringar:			
Kundefordringar	5	1 163 860	70 084
Opptente ikke fakturerte inntekter		0	2 215 314
Tilgode meirverdiavgift		2 758 948	2 907 077
Andre kortsiktige fordringar		0	35 000
Sum fordringar		3 922 808	5 227 475
Bankinnskot	6	30 315 681	26 172 793
SUM EIGEDELAR		37 999 424	33 473 475
EIGENKAPITAL OG GJELD			
Eigenkapital			
Innskoten eigenkapital		500 000	500 000
Annan eigenkapital		5 139 430	3 489 172
Utzamningsfond		14 356 945	17 966 753
Sum eigenkapital	9	19 996 375	21 955 925
Gjeld			
Lån Kommunalbanken	7	4 159 410	325 870
Kortsiktig gjeld:			
Leverandørgjeld		8 106 402	8 360 835
Betalbar skatt		630 776	816 100
Forskat frå kundar		1 484 557	320 403
Offentlege avgifter		389 064	501 250
Pådratte honorar og feriepengar		1 022 221	465 697
Anna kortsiktig gjeld		2 210 619	727 395
Sum kortsiktig gjeld		13 843 639	11 191 680
SUM EIGENKAPITAL OG GJELD		37 999 424	33 473 475

Årsrekneskapen er sett opp i samsvar med reknakslova og god reknekapskikk.

Inntekter

Inntektsføring ved sal av varer skjer på leveringstidspunktet. Tenester blir inntektsført i takt med at dei blir utført.

Klassifisering og vurdering av balansepostar

Omløpsmiddel og kortsiktig gjeld omfattar postar som forfall til betaling innan eit år. Omløpsmiddel blir vurdert til lågaste av innkjøpskost og verkeleg verdi. Kortsiktig gjeld blir balanseført til nominelt beløp på etableringstidspunktet.

Varie driftsmiddele

Varie driftsmiddel blir balanseført og avskrive lineært over driftsmiddelet si forventa levetid. Anleggsmiddel blir nedskrive til verkeleg verdi ved verdifall som ikkje er forventa å vere forbigeande. Anleggsmiddel som ikkje lenger er i bruk blir nedskrive til null. Vedlikehald av driftsmiddel blir kostnadsført løpende under driftskostnader. Påkosting eller forbetring blir lagt til driftsmiddelet sin kostpris og avskrive i takt med driftsmiddelet. Skiljet mellom vedlikehald og påkosting/ betring blir rekna i forhold til driftsmiddelet sin stand på kjøpstidspunktet.

Fordringar

Kundefordringar og andre fordringar er oppført i balansen, til pålydande, etter frådrag for avsetting for forventa tap. Avsetting til tap, gjerast på grunnlag av individuelle vurderingar av dei enkelte fordringane.

Skatt

Som følgje av at det også blir drive næringsverksemd, oppstår skatteplikt for denne delen av selskapet si verksemd. Næringsverksemda innan renovasjon inkluderer eigne næringskundar, samt næringskundar som ÅRIM handterer på vegne av kommunane.

I rekneskapen til ÅRIM blir det skilt mellom kostnader og inntekter for slamtømming, hushaldsrenovasjon og næringsrenovasjon. Det blir utarbeidd resultatrekneskap og balanse for ÅRIM, samt tenesteresultat for dei tre tenestene.

Frå 2013 er inntekter og kostnader i hovedsak bli ført på eigne konti for slam, hushaldsrenovasjon og næatingsrenovasjon. Inntekter og kostnader som ikkje kan knyttast direkte til ei av tenestene fordelast basert på fordelingsnøklar. Grunnlaget for fordelingsnøklane skal vurderast og oppdaterast årleg. Dette gjerast i samband med budsjettprosessen..

NOTE 1 - LØNSKOSTNADER

	2013	2012
Løn og feriepengar	4 997 591	3 307 993
Honorar til styret/representantskap	589 301	592 025
Arbeidsgivaravgift	864 853	591 838
Pensjon, gruppeliv og yrkesskade	471 601	330 698
Annan personalkostnad	124 142	38 154
Sum	7 047 488	4 860 708

YTINGAR TIL LEIANDE PERSONAR

	Dagleg leiar	Styreleiar	Styret	Representantskap	Valkomite
Løn/honorar	694 304	25 750	112 098	116 210	36 540
Ytingar til pensjonsordning	93 683	0			
Andre godtjersle	6 000	0			
Sum	793 987	25 750	112 098	116 210	36 540

Dagleg leiar har ingen etterlønsavtale utover oppseiingstid på 3 månader. Styreleiar har ingen avtale om etterløn. Verken dagleg leiar eller styreleiar har avtalar om bonusordning. Styreleiar har mottatt 25 750 kroner i 2013. Av dette er 25 750 kroner styrehonorar og 0 kroner for ekstraordinært styrearbeid på oppdrag for styret. Selskapet har ikkje aksje- og opsjonsordning retta mot tilsette, det er heller ikkje planer om dette.

I revisjonshonorar er det betalt 40 000 kroner eksklusiv mva. Honoraret gjelder berre for revisjon.

Selskapet hadde per. 31.12.2013 ti tilsette. I gjennomsnitt var det 8,5 tilsette.

Lars Kolbjørn Nøgva
(styreleiar)

Linda Strand Kjerstad

Bente Bruun

Trond T. Lauritsen
(nestleiar)

NOTAR

NOTAR

NOTE 2 - PENSJON

Det er etablert ei yttingsbasert pensjonsordning i KLP for alle tilsette. Pensjonsordninga tilfredsstiller krava i lov om obligatorisk tenestepensjon. Totalt er det ti personar i ordninga.

Pensjonskostnader og pensjonsforpliktingar blir berekna etter linær opptening.
Pensjonspremie for året er 581 861 kroner.

Følgjande føresetnader er lagt til grunn, ved berekninga av forpliktingar som er finansiert via KLP.

	31.12.2013	31.12.2012
Diskonteringsrente	4,20 %	3,80 %
Årleg lønsvekst	3,50 %	3,50 %
Årleg vekst i folketrygda sitt grunnbeløp (G)	3,25 %	3,25 %
Pensjonsregulering	2,48 %	2,48 %
Forventa avkasting	4,00 %	4,10 %
Innbetalt premie/tilskot inkludert administrasjon		
Premie kollektiv pensjonsforsikring	454 473	267 714
Reguleringspremie	21 216	16 776
Tilskot AFP 62-64 - utjamning	0	0
Tilskot AFP 62-64 - sjølvrisiko	0	0
Tidleg pensjon - utjamning	49 411	31 071
Tidleg pensjon - Sjølvrisiko	0	0
Bruttogaranti - utjamning	58 807	29 261
Bruttogaranti - sjølvrisiko	0	0
Overføring frå premiefond	-5 098	-2 787
Rentegaranti premie	3 052	1 145
Avskrive premie og tilskot	0	0
Sum totalt	581 861	343 180
Pensjonsforpliktelse		
Brutto påløpt pensjonsforpliktelse	1 662 204	766 050
Pensjonsmidlar	1 029 605	574 270
Netto for forpliktelse før arbeidsgjevaravgift	632 599	191 780

Premiefondet var pr 31.12.2013 på -71 kroner. Renteoverskot for året var -40 kroner.

NOTE 3 - SEGMENTRAPPORT

	Politisk styring		Slam		Næringsrenovasjon	
	2 013	2 012	2 013	2 012	2 013	2 012
DRIFTSINNTEKTER OG DRIFTSKOSTNADER						
Driftsinntekter						
Driftsinntekter	287 885	288 452	8 450 824	8 639 368	9 419 775	8 664 579
Sum driftsinntekter	287 885	288 452	8 450 824	8 639 368	9 419 775	8 664 579
Driftskostnader						
Varekostnader	0	0	7 040 890	7 424 932	4 997 302	4 915 364
Løn, honorar, arbeidsgivaravg.	241 926	271 130	340 280	458 742	1 020 836	458 742
Avskrivning	0	0	16 389	7 742	57 099	7 742
Andre kostnader	17 667	15 673	919 961	302 490	1 232 717	474 294
Sum driftskostnader	259 593	286 803	8 317 520	8 193 906	7 307 954	5 856 142
Driftsresultat	28 292	1 649	133 304	445 462	2 111 822	2 808 437
FINANSINNTEKTER OG FINANSKOSTNADER						
Renteinntekter						
Renteinntekter	0	0	52 528	36 013	157 583	108 038
Rentekostnader	0	0	2 890	573	16 632	1 720
Ordinært resultat	28 292	1 649	182 942	480 902	2 252 773	2 914 756
Skattar	0	0	0	0	630 807	816 100
ÅRSRESULTAT	28 292	1 649	182 942	480 902	1 621 966	2 098 656
Disponering av årets resultat						
Overført til annan eigenkapital	28 292	1 649	0	0	1 621 966	2 098 656
Overført til utjamningsfond	0	0	182 942	480 902	0	0

Fortset neste side

NOTAR

Fortsettjing Note 3

NOTE 3 - SEGMENTRAPPORT

	Hushaldrenovasjon		ÅRIM	
	2 013	2 012	2 013	2 012
DRIFTSINNTEKTER OG DRIFTSKOSTNADER				
Driftsinntekter				
Driftsinntekter	51 959 769	63 464 317	70 118 253	81 056 716
Sum driftsinntekter	51 959 769	63 464 317	70 118 253	81 056 716
Driftskostnader				
Varekostnader	42 328 163	41 566 330	54 366 355	53 906 626
Løn, honorar, arbeidsgivaravg.	5 444 446	3 672 095	7 047 488	4 860 708
Avskriving	630 068	238 804	703 555	254 287
Andre kostnader	8 127 403	5 219 672	10 297 747	6 012 129
Sum driftskostnader	56 530 080	50 696 901	72 415 146	65 033 752
Driftsresultat	-4 570 311	12 767 416	-2 296 893	16 022 964
FINANSINNTEKTER OG FINANSKOSTNADER				
Renteinntekter	840 440	576 202	1 050 551	720 253
Rentekostnader	62 879	10 114	82 401	12 407
Ordinært resultat	-3 792 750	13 333 503	-1 328 743	16 730 811
Skattar	0	0	630 807	816 100
ÅRSRESULTAT	-3 792 750	13 333 503	-1 959 550	15 914 710
Disponering av årets resultat				
Overført til annan eigenkapital	0	0	1 650 258	2 100 305
Overført til utjamningsfond	-3 792 750	13 333 503	-3 609 808	13 814 405

Segmentrapporten for slam og hushald er lik sjølvkostrekneskapen for desse tenestene.

NOTAR

NOTE 4 - ANLEGGSMIDLAR

	Bilprofilering	Inventar	Programvare	Websider	Innsamlingsutstyr	Datautstyr	Sum
Innkjøpskost 1.1	124 291	235 322	448 414	167 390	1 432 902	0	2 408 319
Årets tilgang	0	253 562	0	0	2 024 804	109843	2 388 209
Årets avgang/nedskriving							0
Akkumulert avskriving	124 291	146 754	221 539	167 390	346 394	32300	1 038 668
Bokført verdi	0	342 130	226 875	0	3 111 312	77 543	3 757 860
Årets avskriving	93 110	85 809	89 684	118 587	284 066	32 300	703 555
Herav nedskriving	74 468			93 480			167 948
Avskrivingssats	20 %	20 %	20 %	20 %	10 %	20 %	

Bilprofilering og websider blei nedskrevet til 0 da dei ikkje lenger er i bruk.

NOTE 5 - KUNDEFORDRINGAR

Kundefordringar: kommunar	866 141
Kundefordringar: næringskundar	337 633
Avsetning tap på fordringar	-39 914
Sum kundefordringar	1 163 860

NOTE 6 - BANKINNSKOT

Herav bundne bankinnskot 253 416 kroner.

NOTE 7 - LANGSIKTIG GJELD

Kredittinstitusjon	Bruk	Lånetid	Type	Siste avdrag	Låneramme	Rentesats	Lånesaldo
Kommunalbanken AS	Fagsystem	5 år	Seriellån	13.12.2016	1 000 000	2,25 %	244 410
Kommunalbanken AS	Innsamlings-utstyr	10 år	Seriellån	31.01.2023	1 700 000	2,15 %	1 615 000
Kommunalbanken AS	Innsamlings-utstyr og inventar	10 år	Seriellån	11.09.2023	2 300 000	2,15 %	2 300 000
							4 159 410

Det vart i 2012 søkt om lån på 1 700 000 kroner i Kommunalbanken. På grunn av lang saksbehandling var dette lånet ikkje på plass før i januar 2013.

Lån er garantert av eigarkommunane i forhold til eigardel.

NOTAR

NOTAR

NOTE 8 - SKATT

Årets skattekostnad fordeler seg slik:	2013	2012
Kommunalbanken AS	630 776	816 100
Kommunalbanken AS	31	
Sum skattekostnad	630 807	816 100
Berekning av årets skattegrunnlag:		
Resultat før skattekostnad næringsdel	2 252 773	2 914 756
Skattegrunnlag	2 252 773	2 914 756

NOTE 9 - EIGENKAPITAL

	Innskoten eigenkapital	Annan eigenkapital	Utjamningsfond	Sum eigenkapital
Eigenkapital 1.1	500 000	3 489 172	17 966 753	21 955 925
Årets endring av eigenkapital				0
Årsresultat		1 650 258	-3 609 808	-1 959 550
Eigenkapital 31.12	500 000	5 139 430	14 356 945	19 996 375
Utjamningsfond	Slam	Hushaldsrenovasjon	Sum	
Fond 1.1	528 259	17 438 494	17 966 753	
Årsresultat	182 942	-3 792 750	-3 609 807	
Fond 31.12	711 201	13 645 745	14 356 946	

Utjamningsfond er abonnementane sine midlar. Eit overskot, eller underskot, skal betalast tilbake, eller krevjast inn, over ei periode på periode på inntil fem år. Dette blir gjort ved å justere prisen selskapet krev for dei ulike tenestene.

INNSKOTEN EIGENKAPITAL FRÅ EIGARKOMMUNAR

	Innskoten eigenkapital	Del av innskoten eigenkapital
Ålesund kommune	224 000	44,8 %
Ørskog kommune	11 500	2,3 %
Norddal kommune	9 500	1,9 %
Stranda kommune	24 500	4,9 %
Stordal kommune	5 500	1,1 %
Sykylven kommune	40 000	8,0 %
Skodje kommune	20 000	4,0 %
Sula kommune	41 000	8,2 %
Giske kommune	36 500	7,3 %
Haram kommune	46 000	9,2 %
Vestnes kommune	34 500	6,9 %
Sandøy kommune	7 000	1,4 %
	500 000	100 %

Eigarskapen til selskapet blir justert kvart fjerde år, siste gong per 1.1.2012. Neste gong er 1.1.2016.

Eigarforholdet blir justert i samsvar med SSB sin statistikk for folketallet i kommunene, i prosent av folketal i alle eigarkommunane, avgjer eigardelen. Endring i eigarskap blir ikkje handtert som ei endring i selskapsavtalen.

Kommunane er ansvarlege for selskapet sine plikter i forhold til eigardel.

Eigardel i ÅRIM	Folketal 1.1.2012	Eigardel f.o.m. 1.1.2012
Ålesund kommune	44 416	45,218 %
Ørskog kommune	2 202	2,242 %
Norddal kommune	1 738	1,769 %
Stranda kommune	4 602	4,685 %
Stordal kommune	1 026	1,045 %
Sykylven kommune	7 664	7,802 %
Skodje kommune	4 184	4,260 %
Sula kommune	8 256	8,405 %
Giske kommune	7 312	7,444 %
Haram kommune	8 973	9,135 %
Vestnes kommune	6 539	6,657 %
Sandøy kommune	1 315	1,339 %
Sum	98 227	100 %

Alle kommunane er representerte med minst ein medlem i representantskapet. Ved likt stemmetall har møteleiar dobbelstemme.

Fordeling av medlemmer i representantskap:

	Del av folketal	Tal på medlemmer
under 10 %		1
10-20 %		2
20-30 %		3
30-40 %		4
40-100 %		5

Til representantskapet i
Ålesundregionen Interkommunale Miljøselskap IKS

MELDING FRÅ REVISOR

Fråsegn om årsrekneskapen

Vi har revidert årsrekneskapen for Ålesundregionen Interkommunale Miljøselskap IKS, som viser eit underskot på kr 1 959 550,-. Årsrekneskapen er samansett av balanse per 31. desember 2013 og resultatrekneskap for rekneskapsåret avslutta per denne dato, og ei beskriving av vesentlege rekneskapsprinsipp som er nytta, og andre noteopplysningar.

Styret og dagleg leiar sitt ansvar for årsrekneskapen

Styrer og dagleg leiar er ansvarleg for å utarbeide årsrekneskapen og for at den gir eit dekande bilet til samsvar med lov om interkommunale selskap, forskrift om årsbudsjett, årsrekneskap og årsmelding for interkommunale selskap og god communal rekneskapskikk, og for slik intern kontroll som styret og dagleg leiar finn nødvendig for å gjere det mogleg å utarbeide ein årsrekneskap som ikkje inneheld vesentleg feilinformasjon, korkje som følge av misleg framferd eller feil.

Revisors oppgåver og plikter

Oppgåva vår er, på grunnlag av revisjonen vår, å gi uttrykk for ei meining om denne årsrekneskapen. Vi har gjennomført revisjonen i samsvar med lov, forskrift og god communal revisjonskikk i Noreg, medrekna International Standards on Auditing. Revisjonsstandardane krev at vi etterlever etiske krav og planlegg og gjennomfører revisjonen for å oppnå tryggande sikkerheit for at årsrekneskapen ikkje inneheld vesentleg feilinformasjon.

Ein revisjon inneber utføring av handlingar for å innhente revisjonsbevis for beløpa og opplysingane i årsrekneskapen. Dei valde handlingane avheng av revisors skjønn, mellom anna vurderinga av risikoane for at årsrekneskapen inneheld vesentleg feilinformasjon, anten det skuldast misleg framferd eller feil. Ved ei slik risikovurdering tar revisor omsyn til den interne kontrollen som er relevant for selskapet si utarbeiding av ein årsrekneskap som gir ei dekkande framstilling. Føremålet er å utforme revisjonshandlingar som er formålstenlege etter tilhøva, men ikkje å gi uttrykk for ei meining om effektiviteten av selskapet sin interne kontroll. Ein revisjon omfattar også ei vurdering av om dei rekneskapsprinsippa som er nytta, er formålstenlege, og om rekneskapsestimata som er utarbeidde av leiinga er rimelege, samt ei vurdering av den samla presentasjonen av årsrekneskapen.

Vi meiner at innhenta revisjonsbevis er tilstrekkeleg og formålstenleg som grunnlag for konklusjonen vår.

Konklusjon

Vi meiner at årsrekneskapen er avgjeven i samsvar med lov og forskrifter og gir i det alt vesentlege ei dekkande framstilling av den finanzielle stillinga til Ålesundregionen Interkommunale Miljøselskap IKS per 31. desember 2013 og av resultatet for rekneskapsåret som vart avslutta per denne dato i samsvar med lov om interkommunale selskap, forskrift om årsbudsjett, årsrekneskap og årsmelding for interkommunale selskap og god communal rekneskapskikk i Noreg.

Postadresse Postboks 7734 Spjelkavik	Besøksadresse Lerstadvegen 545, 4. etg.	Telefon 70 17 21 50	Telefaks 70 17 21 51	Bankkonto 6540 05 00465
6022 ÅLESUND	E-postadresse komrev3@komrev3.no			Foretaksregisteret NO 971 562 587

Utsegn om andre tilhøve

Konklusjon om budsjett

Basert på revisjonen vår av årsrekneskapen slik den er skildra ovanför, meiner vi at dei disposisjonar som ligg til grunn for rekneskapen er i samsvar med budsjettvedtak. Utan at det har betydning for konklusjonen ovanfor viser enkelte poster avvik i forhold til vedtekte budsjettet. Det blir vist til nærmere omtale om dette i årsmeldinga.


Konklusjon om årsmeldinga

Basert på revisjonen vår av årsrekneskapen slik den er skildra ovanför, meiner vi at opplysningane i årsmeldinga om årsrekneskapen, og føresetnaden om at drifta skal halde fram er konsistente med årsrekneskapen og er i samsvar med lov og forskrifter.

Konklusjon om registrering og dokumentasjon

Basert på revisjonen vår av årsrekneskapen slik den er beskreven ovanfor, og kontrollhandlingar vi har funne nødvendige etter internasjonal standard for attestasjonsoppdrag (ISAE) 3000 "Attestasjonsoppdrag som ikke er revisjon eller forenklete revisjon av historisk finansiell informasjon", meiner vi at leiinga har oppfylt plikta si til å sørge for ordentleg og oversiktleg registrering og dokumentasjon av selskapet sine rekneskapsopplysninger i samsvar med lov og god bokføringsskikk i Noreg.

Ålesund, 18. mars 2014


Jørn Bjørnsen
dagleg leiar


Knut G. Alnes
registrert revisor

ADMINISTRASJONEN SIN RAPPORT

	2013	Budsjett 2013	Avvik	2012
Salgsinntekter	4 369 376	3 850 000	519 376	6 920 767
Andre inntekter	65 748 877	71 256 225	-5 507 348	74 135 950
Sum inntekter	70 118 253	75 106 225	-4 987 972	81 056 717
Varekost	54 366 355	62 566 969	-8 200 614	53 906 626
Brutto forteneste	15 751 898	12 539 256	3 212 642	27 150 091
Lønn og andre personalkostnadar	7 047 488	8 105 344	-1 057 856	4 860 708
Avskriving varige driftsmiddel	703 555	783 507	-79 952	254 287
Kostnader lokale	697 161	850 000	-152 839	278 209
Leige maskiner og inventar	107 019	25 000	82 019	19 400
Verktøy og inventar	251 735	695 700	-443 965	410 281
Reparasjon og vedlikehald	1 367	60 000	-58 633	18 487
Framande tenester	2 708 342	3 050 000	-341 658	2 066 455
Kontorkostnadar	920 909	655 500	265 409	831 561
Telefon og porto	308 428	194 540	113 888	258 512
Kostnadar transport	109 844	272 000	-162 156	73 619
Reise og diett	152 606	1 000	151 606	142 681
Salg, reklame og representasjon	1 866 255	1 898 000	-31 745	1 684 077
Kontigentar og gaver	243 306	350 000	-106 694	199 365
Forsikringar og garantiar	25 113	7 000	18 113	2 517
Andre kostnadar	2 865 746	3 290 000	-424 254	26 965
Tap m.m.	39 914	0	39 914	0
Sum driftskostnadar	18 048 791	20 237 591	-2 188 800	11 127 125
Driftsresultat	-2 296 893	-7 698 335	5 401 442	16 022 966
Finansinntekter	1 050 551	375 000	675 551	720 252
Finanskostnadar	82 401	71 770	10 631	12 407
Netto finanspostar	968 150	303 230	664 920	707 845
Resultat før skatt	-1 328 743	-7 395 105	6 066 362	16 730 811
Skattekostnadar	630 807	298 705	332 102	816 100
Resultat etter skatt	-1 959 550	-7 693 810	5 734 260	15 914 711

Tala er satt opp på samme måte som økonomiplan for perioda 2014-2017.

KOMMUNANE SIN DEL AV EIGENKAPITALEN I SELSKAPET

Eigarkommune	Eigarandel f.o.m. 1.1.2012	Del av eigenkapitalet	Del av justeringsfond renovasjon	Del av justeringsfond slam
Ålesund kommune	45,218 %	9 041 903	6 170 293	321 589
Ørskog kommune	2,242 %	448 268	305 903	15 943
Norddal kommune	1,769 %	353 810	241 444	12 584
Stranda kommune	4,685 %	936 843	639 312	33 320
Stordal kommune	1,045 %	208 866	142 532	7 429
Sykkylven kommune	7,802 %	1 560 184	1 064 687	55 490
Skodje kommune	4,260 %	851 750	581 243	30 294
Sula kommune	8,405 %	1 680 700	1 146 928	59 777
Giske kommune	7,444 %	1 488 527	1 015 787	52 942
Haram kommune	9,135 %	1 826 662	1 246 534	64 968
Vestnes kommune	6,657 %	1 331 165	908 401	47 345
Sandøy kommune	1,339 %	267 699	182 680	9 521
Sum	100 %	19 996 376	13 645 745	711 201

Del av justeringsfond er satt opp basert på eigardel.

UTVIKLING – AVFALLSMENGER I ÅRIM

Samla mengde utsortert hushaldsavfall aukar

Totalt sett har meir av avfallet gått til gjenvinning i 2013 enn tidlegare år. Dette er positivt, og viser at dei tiltaka som blir gjennomførte for å gjøre det enklare å sortere avfall virkar.

Plasten noko ned

Når det gjeld plastmengdene, er det no nettomengder som er rapportert, altså dei mengdene plast som faktisk er levert til gjenvinningsanlegg i Sverige eller Tyskland. Tidlegare rapporterte ÅRIM på dei mengdene plast som blei samla inn frå abonnentane. Det skjer ei grovsortering før plastemballasjen blir lasta, og ein del feilsorteringar blir luka ut her. ÅRIM vil i tida framover starte forsøk med innsamling av fleire typer plast på miljøstasjonane. Dette vil gi ei auke i mengden plast som går til gjenvinning.

ÅRIM stilte spørsmål om om kva som skal til for å få folk til å kjedesortere meir plastemballasje i kundeundersøkinga i 2013. Informasjon står øvst på lista, deretter lettare tilgang på sekkar, og tilbod om eigen dunk. ÅRIM er innstilt på eit langsiktig informasjonsarbeid for å nå fram med bodskap om korleis ordninga fungerer, kva som er plastemballasje og kva miljønytten er.

Auke i EE-avfallet

Det at mengde EE-avfall har auka mykje kjem både av at abonnentane har vore

flinkare til å besøke våre miljøstasjonar og dermed tatt med seg EE-avfall dit i staden for å levere til forhandlarane, men også av at folk flest opplever gode tider og såleis skiftar ut elektrisk og elektronisk utstyr oftare. I 2014 har vi særleg fokus på miljøfarleg avfall. Plukkanalyser viser at for mange hiv både farleg avfall og EE-avfall i restavfallet.

Like mykje avfall – færre stopp

Fra 2014 har ÅRIM innført eit generelt tilbod om at to eller fleire abonnentar kan dele oppsamlingseiningar for avfall. På denne måten blir innsamlinga av avfall meir effektivt. Dette vil bidra til å redusere drivstoffforbruket på renovasjonsbilane, dette er den største enkeltkjelda til utslepp til miljøet frå verksemda til ÅRIM.


Vi har sikrare talgrunnlag no enn før

Tala over innsamla mengder avfall og slam i Ålesundregionen har gått litt opp og ned dei første åra ÅRIM har vore i drift. Noko av dette skuldast at selskapet har lagt ned mykje arbeid i å få fram alle relevante data for dei mengdene med avfall og slam som vi rår over. Nye og betre avtalar med underleverandørar gjer også at vi får stadig betre oversikt over mengdene.

Slam

I 2013 vart det tømt litt over 19 000 m³ slam frå anlegga ÅRIM har ansvar for. Dette vart avvatna slik at berre 1 530 m³ vart levert til kompostering. For å gjøre dette arbeidet måtte entreprenøren med sine bilar køyre 47 060 kilometer med eit forbruk på ca. 8,8 liter diesel på mila.

Hushaldsavfall til gjenvinning



MÅLA FOR AVFALLSPOLITIKKEN:


- AVFALLSREDUKSJON:**
Mål ein er å redusere avfallsmengda. Dagens mål er at veksten i avfalls-mengdene skal vere lågare enn den økonomiske veksten.

- OMBRUK:**
Mål to er å bruke ting om igjen framfor å kaste.

- MATERIALGJENVINNING:**
Mål tre er at material som er brukt ein gong blir brukt på ny gjennom materialgjenvinning. Dette betyr meir avfall til gjenvinning.

- ENERGIUTNYTTING:**
Vi kan brenne avfall og utnytte varmen som straum og varme.

- MINST MOGLEGE AVFALL PÅ DEPONI (FYLLING):**
Frå 1 juli 2009 vart det forbod mot deponering av nedbrytbart avfall i Noreg.





I 2013 kasta kvar person alt i alt 416 kilo avfall

		<p>Ved å gjenvinne 1 kilo plast sparer vi så mykje som 2,5 kg olje.</p>			
32,3 kg treverk	4,7 kg plastemballasje (17,73 kg plast i dunken)		18,7 kg EE-avfall	30,2 kg grein og hageavfall	10,7 kg deponi
					198,7 kg restavfall
46,2 kg grovavfall	6,8 kg farleg avfall	4,1 kg tekstiler	8,2 kg glas- og metall-emballasje (10%metall)	9,8 kg metall	45,9 kg papp/papir/drikkekartong

AVFALL FRÅ HUSHALDNINGAR I TONN	2008	2009	2010	2011	2012	2013	TYPE GJENVINNING	LEVERAST TIL	BRUKAST TIL
Papir, papp, drikkekartong	4 898	4 891	4 594	5 109	4 935	4 626	Material	Norsk Gjenvinning	Avispapir/emballasje
Glas	582	688	582	783	688	746	Material	Norsk glassgjenvinning	Emballasje/isolasjon
Plast	59	91	84	184	603	477	Material, energi	Grønt punkt	Plastprodukt
Metall	1 340	1 342	993	1 224	1 628	1 068	Material	Div. metallreturfirma	Metall
EE-avfall	555	760	627	856	998	1 887	Material	Rena/El-retur/ERP-Norway	Metall/energi/diverse
Treavfall	1 741	2 825	2 775	4 405	2 667	3 257	Energi	Forbrenningsanlegg	Fjernvarme/elektrisitet
Park- og hageavfall	2 969	2 023	2 467	1 895	3 078	3 046	Kompost	Eigenregi	Toppdekke deponi o.l.
Tekstiler						412	Ombruk / materialgjenvinning	Fretex/UFF	Klede og tekstilartiklar
Farleg avfall	206	416	611	676	1 075	688	Destruksjon/energi	Diverse firma	Energiproduksjon
Til materialgjenvinning totalt	12 350	13 036	12 733	15 132	15 672	16 207			
Restavfall til forbrenning	19 424	21 402	21 612	24 118	24 964	24 707	Energi	Tafjord Kraftvarme AS	Fjernvarme/elektrisitet
Til deponi, eksport o.l.	4 434	2 033	4 551	1 339	788	1 083	Deponi/energi	Eigenregi/forbrenningsanlegg	Deponi/energi
Hushaldsavfall totalt	36 208	36 471	38 896	40 589	41 424	41 997			



**KORLEIS DU BRUKER
LYSPÆRENE ER OPP TIL DEG
KVAR DU KASTAR DEI BRUKTE
PÆRENE ANGÅR OSS ALLE**

Lyspærer, sprayboksar, batteri og småelektronikk
- miljøgifter finst i meir enn du trur. Hugs å sortere riktig.

sortere.no



**KORLEIS DU BRUKER
HÅRSPRAYEN ER OPP TIL DEG
KVAR DU KASTAR SPRAYBOKSEN
ANGÅR OSS ALLE**

Sprayboksar, batteri, maling og løysemiddel
- miljøgifter finst i meir enn du trur. Hugs å sortere riktig.

sortere.no



JA, det nyttar

ÅRSMELDING 2013



ÅRIM - Ålesundregionen interkommunale miljøselskap IKS.

Langelandsvegen 1 - 6010 Ålesund - post@arim.no - 70 16 41 80 - arim.no - org nr. 994 717 286 MVA